

Edisi Kedua 2024

MITASA
KESATUAN KAKITANGAN AKADEMIK UNIVERSITI TEKNOLOGI MARA



Suara

MITASA

Bengkel e-TUIS,
bantu kesatuan
lebih efisien

Risiko psikososial
tempat kerja:
ke arah menjadikan UiTM
sebagai majikan yang
sihat dan selamat

Usah aniaya anak buah,
jawatan adalah amanah
dan keadilan

Kenapa Susahnya
Nak Naik Pangkat?

PTM beri pendedahan
kepada pensyarah baharu

Insentif Kecemerlangan
SPM terus bantu anak
ahli MITASA

ISSN 3083-6116



9 773063 611009

Permulaan yang sempurna

Sesi dialog wakil kesatuan akademik universiti awam bersama Menteri Pendidikan Tinggi

Kementerian Pengajian Tinggi dan Majlis Presiden Persatuan Akademik (MPPA) telah menganjurkan satu Sesi Dialog Wakil Kesatuan Akademik Universiti Awam bersama Menteri Pendidikan Tinggi, Datuk Seri Diraja Dr Zambry Abdul Kadir di Wyndham Grand Bangsar, Kuala Lumpur, Jun lalu.

Sesi dialog lebih sejam itu turut dihadiri oleh Ketua Setiausaha Kementerian Pendidikan Tinggi (KPT), Profesor Dato' Seri Ir Dr Zaini Ujang, Ketua Pengarah Pendidikan Tinggi (KPPT), Datuk Profesor Dr Azlinda Azman dan semua presiden kesatuan dan persatuan akademik universiti awam.

Dalam sesi berkenaan, wakil universiti awam diketuai oleh Pengerusi Majlis Presiden Persatuan Akademik (MPPA), Profesor Madya Ir Dr Nasharuddin Zainal dan Presiden Kongres Persatuan Akademik Malaysia (MAAC), Prof Dr Ahmad Ismail.

Menurut Presiden MITASA, Encik Saharuddin Lin, pelbagai perkara dibincangkan dalam sesi berkenaan terutamanya isu-isu berbangkit yang dihadapi oleh kakitangan akademik dari seluruh universiti.

"Antara perkara yang dibincangkan ialah mengenai sistem kehadiran iaitu 'clock in-clock out'. Ini adalah kerana realiti kerja pensyarah tidak sama dengan pentadbir yang berkerja bermula 8 pagi hingga 5 petang. Ada pensyarah yang memulakan kerja jam 6 petang hingga 11 malam. Ia mengikut keperluan semasa.

"Ada universiti yang hanya mengamalkan 'clock in' sekali sahaja, dimana-mana kawasan kampus. Ada juga universiti

yang perlu mencapai 45 jam 'clock in-clock out', ada juga perlu 39 jam sahaja, maka berlaku ketidakseragaman perlaksanaan dalam isu ini.

"Selain itu ialah isu pemerolehan geran pendidikan yang dijadikan sebagai Petujuk Prestasi Utama (KPI) oleh sesetengah universiti sebagai sebahagian daripada penilaian tahunan. KPI ini sangatlah tidak adil bagi sesetengah pensyarah kerana kesukaran untuk pensyarah memperolehi geran tersebut," katanya.

Di dalam sesi berkenaan, turut dimaklumkan juga bahawa KPT tidak akan melayan sebarang tuntutan daripada persatuan dan hanya akan memberi fokus kepada tuntutan daripada kesatuan sahaja, selaras dengan apa yang termaktub dalam Akta Kesatuan Sekerja 262 (1955).

"Oleh yang demikian persatuan disarankan untuk menubuhkan kesatuan di universiti masing-masing. Setakat ini hanya ada empat kesatuan sahaja di seluruh universiti awam iaitu Universiti Malaya (UM), Universiti Teknologi Mara (UiTM), Universiti Teknologi Malaysia (UTM) dan Universiti Malaysia Sabah (UMS).

"Selain itu, turut dibincangkan ialah peluang kenaikan pangkat secara setara, contohnya pensyarah yang tidak mempunyai Doktor Falsafah (PHD) dan sebagainya. Isu kecemerlangan kepimpinan universiti awam yang memerlukan perhatian dan pertimbangan pihak KPT dan yang terakhir ialah beban kakitangan akademik yang dikaitkan dengan 'work life balance' di Malaysia. Ini adalah untuk memastikan ekosistem pendidikan tinggi yang terus kekal sihat dan mampan," katanya.



Untuk sebarang urusan berkaitan akses terhadap MITASA, ahli-ahli boleh mengikuti kami di platform media sosial MITASA dengan mengimbas kod QR yang disediakan seperti Tiktok, Facebook, Instagram dan Twitter. Bersama ini juga disertakan kod QR untuk pendaftaran sebagai ahli dan borang aduan untuk ahli yang memerlukan.

Media Sosial MITASA




Tiktok



Facebook



Twitter



Instagram



Laman Web

Keahlian & Aduan



Kemaskini Keahlian



Borang Ahli



Borang Aduan



Siti Fatimah Awang
Setiausaha Media dan
Korporat MITASA
010-9280262



**Nadra Sharfina
Ab Rahman**
Setiausaha Pejabat MITASA
018-2365130